

П14
27-497



Леонид Фалкин

ДОНА ИЗ

Леонид Талкин

ДОНА ИЗ



Висьтъяс

КОМИ КНИЖНОЙ ИЗДАТЕЛЬСТВО

Сыктывкар 1964

БИБЛИОТЕКА
Респ. Краев. Музея
Коми АССР
город Сыктывкар.

Леонид Палкин — том гижысь. Гижö сійö и кывбуръяс, и висъяс, и очеркъяс. Но торйөннин лöсьыдöсь сылөн посныдик висъяс челядылы лыддьöм вылö. Бөръя воясö унакодъ понси висят Л. Палкин йöзöдiс «Войвыв кодзув» журналын. Бурджыкъяссö на пöвстысь лэдзам тайö книгаас.

Дона челядь! Лыддьöй висъяссö да на йылысь пасйöдъяс ыстöй миянлы. Миян адрес: Сыктывкар, Печать керка, Коми книжнöй издательство.



Ми, сиктса челядь, олім дружнӧя. Тувсов гудыр ваыс сӧмын на удитіс нуны медбӧрря рушмӧм йи торъяс, а ми чукӧрӧн лӧччам нин купайтчыны. Дерт, мамъясным бӧртинас видыштасны и, ньӧррялыштасны и; но эг ӧна шогсьылӧй: тӧдім, ваыс шоньджык лоас да, оз кутны видны. Кадыс арлань катовтчас, а миян тӧждлунным бара жӧ оз быр — тшак да пув вотам. Вуграсны да бать-мамысь гусьӧн вӧрын картофель пӧжавны эгӧ жӧ вунӧдлӧй, но медся ӧна радейтлім ворсны. Сэтшӧм нин миян арлыдным вӧлі.

Медсясӧ сійӧ кадас ворслісны «краснӧйясӧн» да «белӧйясӧн». Ӧтчыд таdzi «воюйтігӧн» Миш Ӧльӧксан, кань кодь винӧв детинка, шуис:

— Челядь, бурджык лоӧ, клад кӧ ми корсям.

— Корсям, корсям! — шызисны челядь.

Гражданскӧй война дырйи миян сиктын вӧлӧма белӧйяслӧн штаб. Сӧки том Сӧветскӧй власть вылӧ

устькӧдчылӧмаӧсь быд лёк озыр йӧзыс, весиг море сайысь кыссылӧмаӧсь. Винтовкаясӧн и пушкаясӧн волӧмаӧсь. Уна гӧль мортлысь вир кысьтӧмаӧсь, но быть лоӧма аслыныс пышйыны. Вӧтлӧмаӧсь найӧс.

Сэссия вӧлі висьталӧны: пышйигас пӧ белӧйяс дзебӧмаӧсь штабаныс зарни сабля да зарни паньяс. Збыль-ӧ тадзи вӧлӧма — некод лючки оз тӧд, но сёрныыс муніс. Вот тайӧ кладсӧ и кӧсйим ми корсьны.

Штабыс вӧлӧма белӧй офицер Рӧман керкаын. Асьсӧ, Рӧмансӧ, гражданскӧй война дырйи на краснӧйяс пуляӧн дзенгӧдӧмаӧсь, а керкаыс, кӧзяиныс моз жӧ, кыссьӧма нин вӧлі. Но миянӧс тайӧ эз повзьӧд. Ӗльӧксан повтӧг пыртӧдіс ставнымӧс ӧшиньястӧм жырйӧ. Ачыс Оля Васькӧд пырис гӧбӧчӧ, а миянлы тшӧктіс лукйысьны пач костын. Сэні быд сикас кламыс куйліс. Китӧ сюян да бусыс кымӧрӧн кайӧ вывлань. Несьялам да корсям.

Друг менам ки улӧ веськаліс кутшӧмкӧ тубрас. Сійӧс кыскигӧн мыйкӧ зелькнитіс. Сьӧлӧмӧй сэтшӧма мӧдіс чеччавны, ӧдва и лолыштны верми.


— Сю-юри-ис!— горӧді мый вынысь. Сэссия ур моз чеччышти джоджӧ да тювкниті ывлаӧ.

— Мый? Мый?— кылісны бӧрвылын челядӧлӧн чуймӧм гӧлӧсьяс, но ме тӧвзи нин гортӧ.

Тиралысь киясӧн рази тубрассӧ. Тайӧ вӧлі нельнан помӧдыс кӧрталӧм рузумтор, а рузум пыткас... патроньяс. Боевӧй, винтовочнӧй патроньяс. Қомын кык штука. А патрон пыдӧсьясын кутшӧмкӧ пасьяс. Сиктын найӧс некод эз вермы лыддыны: гижӧма английскӧй кыв вылын.

Некымын лун мысти мӧд детинка, Қирей Лӧш, Рӧман керкаувса пӧгребысь аддзис патроньясӧ дзонь гырнич тыр. Гырничнас и дзеблӧмаӧсь белӧйясыд.

Зарни сабля, дерт, сідзи и эз сюр. Сы пыдди тōд-малім, кутшōм «пōдаркиясōн» волōмаōсь миян муō моресайса кырнышгъяс. Уна во нин колис клад ад-дзōмсянь, но менам сингъяс водзын пыр на сулалōны смерть кōдзысь ыргōн патронгъяс. Боевōй, винтовоч-нōй патронгъяс. Английскōй патронгъяс.





Вашка ю бердын, Сир керка дорын (сэні войдөр сир вийёдлёмаось) эм изья места. Быд сикас изйис паныдасьлө: сьод и еджыд, лөз и виж, ыджыд и пос- ныйд. Ме частө воывлі сэтчө да любуйтывлі наөн.

Челядь весиг эльтывлісны: из чукөртисьөн шу- лісны. Но таысь эг дөзмыв, шуоны кө и мед шуоны. Вескодь. Но өтчыд лоис сэтшөмтор, мый челядь ась- ныс заводитісны чукөртны изьяссө.

А вөлі тадзи. Ме некор эг босьтывлы рудов-ту- рунвиж рөма изьяс, кодьяс туплясисны Сир керка дорын. Найө кажитчисны меным мисьтөмөн, некытчө туйтөмөн. Збыльсь, найөс вывсяньыс быттьө вөлі киськалөмаось пөймөн. Кутшөм нө сэні мичлун эм? И вот өтчыд татшөм изсө көсьи шыбитны бокө, но...

сійö, вөлöмкö, абу мукöдъяс кодъ, а сьöкыд, вывти сьöкыд. Думыштi: «Абу-ö свинеч?»

Поткöдi изсö да чуйми: пытшкöсас ярьюгыда дзирдыштiсны кольквиж рöма чутъяс. Зарни! Тайö жö зарни!

Мукöд челядь сiдз жö чайтiсны, но стöча некод нинöм эз тöд. Сэки ыджыджык арлыда зонка, Сандыр Борис, шуис:

— Вай ыстам öти кусöк Воркутаö, сэни геологыас олöны, найö ставсö висьталасны.

Сiдзи и вöчим. Öти из тор гаровтим ватаөн, пуктим картонысь вöчöм кудйö да ыстим почтаөн.

Ыстынысö ыстим, а меным эз терпитсьы: мыйсяма эськö тайö из? Сэсся мövпыштi вöчны опыт. Сюйи öти кусöк кöрт пачö, веськыда öгыр вылас, мед, мися, зарныс сылас. Но и повзи жö! Дивö! Сё дивö тай! Менам изйид ыпнитiс да кутiс сотчыны лöз биөн. Öдйöджык лои бөр кыскыны пачысь. А кыски да ачым эг ло рад: сэтшöма заводитiс кызöдны да несйöдлыны, синва петтöдз. Керка пытшкöсным лёк дукөн тыри. Пырис мамö да пöттöдзыс пинялис менö.

Недыр мысти Воркутаысь воис вочакыв. Менö, ичöтик детинкаös, весиг ним-вичөн ыдждöдлöмаös. Тайö письмösö пыр на видза. Быд кыв сэтысь меным муса да дона, казьтылö менсьым из чукöртан кадös.

«Получили Вашу посылочку и даем Вам разъяснение. Это мелкозернистый пирит, который состоит из серы и железа. Его обжигают и получают сернистый газ и «огарки». Из сернистого газа изготавливают серную кислоту...» Сэсся вöли гижöмаös, мый пири-тысь позьö вöчны и мукöдторъяс. Казьтылöмаös и сы йылысь, мый аддзасны кö татшöм изсö унджык, пондасны сийös перйыны йöзлы пöльза вылö. Абу вунöдöмаös сетны и сöвет: чукöрт пö да ещö ысты ми-

яны татшом изъяссö. Письмö улас — Горной техникумса директорлön кырымпасыс да ыджыд, гогрöс печать.

Со кутшом дона вöлöма мисьтöм изйыд!





Миян вөръясыд помтөмөсь. Нэм пуксьөмсянь стенөн моз сувтөмны сикт гөгөр да оз и мөвпавны вешйыны. Лөня шывгысь Вашка ю өдва вермө писькөдчыны пармаөд. Петан кильчө вылө, а тошялөм пуяс кындзи нинөм оз тыдав. А сэтшөм окота төдны, кутшөм сиктъяс да керкаяс дзевсьөмаөсь на сайө! Эмөсь-ө найө збыльвылас.

Отчыд миянө воисны роч йөз. Сэтчөдз ми рочьястө эг на и адзылөй да, пыр гөгөр гартчим. Оти олөма дядькөд, начальникыскөд, тшөтш воис и Надя нима нывка. Сиктса челядь ськөд өдйө төдмасисны, весиг рочасьны кутисны. «Надя, иди сюда! Корошо!»— сөмын и кылан вөлі. Дерт, бура сёрнитны эг велалөй, но өта-мөднымөс гөгөрвоим.

А роч дядьбояс (сиктын найос экспедицияон шуисны) весь эз овны. Пила-черон да мукод инструментясон быд асыв мунисны Вашка ю сайо.

Мыйко мында кад кольом борын парма весьтын мыччисис аслыс сикас стройба. Ылисянь видзодигад прошви кодь воли кажитчо. Сийо лунысь-лун кыподчис вывлань, лоис есь йыла башня сяма. Тайо воли вышка, мод ногон ко — геодезической знак.

А кутшомджык тайо вышкаыс матысяныыс? Сиктса челядьлы зев окота воли тодны та йылысь, но отнаным полим муннысо.

Отчид ворсигон Надя матыстчис миян дино, чужомыс воли жугыль, гырысь руд синьясыс вазьомаось. Ми первойсо чайтим, мый нывкасo кодко ободитома, да косьим нин нойтны сэтшом детинкасo, но Надя вайис ношта шогджык юор.

— Папа висьталис, некымын лун мысти ми мунам водзо, пармаo. — Сэсса недыр чов олыштoм бoрын содтис: — Косьянныд ко, ме нуода тьянос вышка дорo, петкодла сийос...

И вот ми вышка дорынoсь нин. Неыджыд эрд вылын нель кок выло мыджсьомон сийо сулалис ворса великан моз. Кыз керьяс крестассьомаoсь oта-мoдыскoд да тшупoдoн-тшупoдoн кайоны енежлань. Кажитчис, вышка юро крукасьоны тэрмасьтог кывтысь кыморьяс.

Дыр ми шензим ворса диво выло. А сэсса Надя кавшасис вышка посьяс кузя. Oти, кык, куим, нель пос. Надялон горд косынкаяс долалис ичотик флажок моз, озйодис челядьлысь сьолoмьяссo, сетис налы повтомлун. И челядь, кыдзи паруса караблон мачта кузя матросьяс, кыподчисны вывлань. Мукoдьяс борся тшотш ме кавшаси медводдза да медся кузь послон ичотик, осьса площадка вылодз. Коть поло-

мысла тіралі пипу кор моз, а кутчыси перилөясө да аслам төдлытөг горөдсис:

— Видзөдлөй, видзөдлөй, пожөмъяслөн йывъясыс дзик орчаось! Найө улынджыкось меысь!

— Эй, эй, эн пов!— быттьө кымөръяс увсянь во-чавидзисны челядь.

— Сюда-а-а!— уси вывсянь да пуяс юр вывті котртіс Надя гөлөса йөлөга.

Ещё өтчыд видзөдлі увлань да кокъясөй быттьө сибдісны. Съөкыд вөлі торйөдчыны площадкаысь да кайны вөсныдик тасъяс вывті. А вылын юралысь гөлөсьяс корисны, кыкисны магнит моз:

— Эй, эн пов! Вывлань видзөд, сөмын вывлань! Эн по-о-о-ов!..

...Мөд пос. Қоймөд... Нельөд поскыс вөлі дженъыдик, сөмын некымын метр кузьта. Оні эз нин вөв сэтшөм страшнө. Дзик матын, юр весьтын, медбөръя площадка люк пыр тыдалісны челядьлөн долыд чужөмъясныс. Лоис кокныдджык, ме эг кыв великан-вышкалысь тіралөмсө.

Со и медся вылысса площадка. Вышкалөн паськыд, зумыд кокъясыс тані векняммысны да топөдчисны. Юр весьтын — лэбув. Сы сайын кывтөны вата ёкмыльяс кодь кымөръяс, а сэсса нинөм абу. Вөлисти лолышти став морөсөн.


...Паськыд эрдъяс воссисны менам синъяс водзын. Гөгөр шылькнитчөма парма, парма, парма. Сылөн помыс дздебсьөма лөзалысь вөртас сайө. И мен кажитчис, мый вышкаыс лэбө, лэбө. Быттьөкө и менам пельпомъяс сайын быдмысны бордъяс, кодъяс төвзьөдөны кытчөкө ылө-ылө...

Первойысь аддзи сынөдсянь муса сиктөс: сійө, быттьө йөжгыльтчөма гуө, ичөтик-ичөтик. Буретш сэки, вышка йылын сулалігөн, ме гөгөрвои, кутшөм

ыджыд вӧлӧма менам чужан муӧй, дона Рӧдинаӧй,
кутшӧм паськыдӧсь сылӧн эрдъясыс.

И ещӧ мӧвпышти: тайӧ му вылас, кодӧ шусьӧ сӧвет-
скӧй странаӧн, колӧ вӧчны уна буртор, медым водзӧ
мичмӧдны сӧйс.





Лопи — Вашка юлөн вож. Миян сиктсыянь Лопи усянінөдз лоо квайт километр кымын. Сэни сулалө Вашка ю кузя медбөръя сикт — Лопидін.

Ми, сиктса челядь, унаысь кывлім тайё аслысьяма ю йывсьыс, мыйсюрө асьным вөлі төдам и. Отчыд гожөмын, жар поводдя дырйи, локтіс ыджыд, съод кымөр, а сиктгөгөрсә муяс вылө ни өти ва войт эз усь. Кымөрыс чардалігтыр да гымалігтыр муніс Лопиө. Пөрысь войтыр вөлі варовитөны, мый кымөрсө асланьыс кыскөны Лопи дорса изья гөраяс. Гашкө, збыль вылассө и абу тадзи, но кымөръяс мыйлакө радейтлісны Лопиөс.

Верстьө йөз сёрниясысь кывлім сідз жө, мый тайё юөдыс ветлігөн гырысь сьөмгаяс чеччыштлөны весь-

кыда пыж вомён. Овлө и сідз, мый черыс веськавлө пыжө, быттьö ачыс вöйысьö юква вылө. Со кутшöм шензьöданторъяс вöлі висьтавлöны Лопи йылысь.

Коркө Миш Ёгор, Сандыр Лёш да ме сёрнитчим кайлыны Лопиö вежон-мөд кежлө. Сэки миянлы вöлі кодлы дас кык, а кодлы и дас нель арös нин. Татшöм арлыда зонкаястö сиктад лыддьöны нин пöшти верстьö йöзөн, со мый вöсна мамъясным миянös мунöмсьыс эз ёнасö и кутны.

И вот ми туйынöсь. Катим, катим Вашкати, кызд сöмын пырим Лопиö, пыжным друг быттьökö öшйис сынöдас — сэтшöм югыд вөлöма Лопилөн ваис. Ю пыдöсын куйлысь изъяс тыдалісны сэтшöм бура, быттьö ки пыдös вылынöсь найö.

Дыр ми шензим сöстөм ва вылө. Мукöд дырйи сэтшöм джумъяинъяс паныдасьлöны, а ваис кажитчö зэв ляпкыдикөн, быд лыстор тыдалö.

Лопиöд катны лои сьökыд. Қовмис пелысьяслы сетны шойччөг да босьтчыны көрт пома зібьясö. Юыс визув да изъяс, мукöд ног он и вермы катнысö.

Друг Сандыр Лёш, медся ичöt ёртным, чилöстис:
— Видзöдлöй! Видзöдлöй!

Ми Ёгоркөд тшötш жö акнитим. Пыж нырладорса джумйысь веськыда миянлань кывтис гырысь мык чукөр. Мыкыс вöлі зэв уна — налөн сьöd мышъясыс сайöдісны ю пыдöссö. Сэсся черияс чард би моз уськөдчисны пыж улö, эзысь бокъяснаныс вирдалігтыр.

Недыр мысти миянлы воча уськөдчисны комъяс, а сэсся ньöv моз тювкнитис сир. Ми катим, а черияс локтисны и локтисны, быттьö кодкө вötліс найös ю йывладорсянь.

— Но и повтöм жö черияс тани олöны! — дивуйтчим ми. — Öні збыльысь эскам, мый сьömгаяс чечыштлöмаось пыж вомён.

Повтём черияслысь тайнасö удайтчис тöдмавын тайö жö луннас. Сувтім öти нöрыс дорö нурьясьыштны. Ноксигад эг и казьявлöй, кыдзи öти зіб усьöма ваö да бура ылöдз нин удитöма кылавын. Ковмис пуксьыны пыжö да вöтöдны сийöс. Видзöдам, а öнтайя чериясыд миянлы воча локтöны, öни нин ва катчöс. Суöдiм зiбнымöс да бергöдчим, а черияс... Мый эськö тi чайтанныд? Бара паныд локтöны! Ворсöны кö нин миянкöд-а?

— Тöданныд мый, другьяс?— шыödчис Ёгор.— Ме чайта, чериясыд оз прöста тадзи ветлыны. Лопиыд зэв векныыд, а ваыс стеклö кодь—пырыс тыдалана. Чериясыдлы некытчö воштысьнысö да, мед полöмнысö венны, уськöдчöны пыжлы воча, кöсийöны пышйыны миянысь.

— А öд сiдзи и эм!

— Вернö.

Тадзи ми тöдмалiм Лопилысь öти тайна. А регыд сийö восьтiс миянлы и мöдöс.

Рытладорыс воим сэтшöминö, кöни юлысь веськыд берегсö быттьö кодйöмаöсь экскаваторөн. Артмöма гöгрöс ты кодь. Ваыс танi вöли пемыд рöма, весиг ю пыдöсыс оз тыдав. Кöсийим мерайтны джуджтасö, но некутшöм потш ни зiб эз сидзав.

— Вот тайö да-а! Уна и чери, көнкö, танi олö. Ог-ö сувтлöй татчö?

— Сувтлам.

Танi визулыс ньöти эз вöв. Пыжнымöс эг и кыскöй берегас, сöмын тшукöдыштим нырсö.

Небылын сельгис шор. Лёша мунис сэтчö вала, а ме заводитi пестыны бипур. Эг на удит чиркнитны истöг тувйөн, а Лёша бөр нин котöртö, мыкталö весиг.

— С-э-сэни... ош кок туй!

Ми Ёгоркөд повзыштімкодъ жө. Тані местаыс вөлі шуштөм: сөмын стенөн сулалёны тошсялөм козьяс. Дерт, Микайлёйдлы воө сьөлөм вылас та-тшөминыд.

Шор дорө мөдөдчим куимөн. Мися, гашкө, ичөт-джыд ёртным көмтөм мортлысь кок туйсө аддзыліс да.

Но Лёша вөлөма прав. Шордорса топыд няйтын тыдалісны не сөмын ошлөн, но и йөралөн да мукөд зверьяслөн кок туйясыс.

Сьөлөмъясным ыж бөж моз заводитісны тіравны, көть и куимөнөсь. Нарошнө кутім гораа сёрнитны, медым нель кокаяс эз локны.

Юрө волісны быдсяма мөвпьяс. Мыйла эськө зверьясыс волывлөны татчө? Мый кыскө найөс? Но помкасө сідзи и эг аддзөй. А вөлөма сійө зэв прөстөй.

Ми шуим катны тайө местасыс вылөджык. Мө-дөдчөм водзвылын содзырьясөн гумовтім йи кодъ кодзыд васө, нылыштім гоз-мөдысь.

— Тыпу, тыпу!

Видзөдлім өта-мөд вылө.

— Кутшөм чөскыдтө-өм,— чукуыртчыліс Лёша.

Гажаа сёлькөдчысь шорын ваыс збыльысь вөлі чөс-кыдтөм. Сійө вөлі... сола. Вөлисти гөгөрвоим, мыйла вөрса олысьяс радейтөны волывлыны тайө шор до-рас. Найөс кыскө сола ваыс. Öд и мян колхозын гортса пемөсьяслы сетөны сов, медым найө бур-джыка сөйисны. Зверьяслы, кыдзи и мортлы, зэв ёна колө тайө минералыс.

Тадзи ми төдмалім Лопилысь мөд тайна. Төдма-лім, мый тані эмөсь совлөн источникьяс.

Верст кык мында катөм бөрын воим вөр керкаө. Сэтчө и узьмөдчим.

Лопиын олігөн аддзылім ещö öти дивö. Волевлин-ö тэ коркö пожöма ягö? Небыд яла вылын сулалöны сись кодь веськыд пожöмьяс. Налөн стволас некутшöм ув абу, сöмын дзик йылас шапка моз шляпнитчöма-öсь лысьяс. Татшöм ягтыс ветлігөн öта-мöдтö ад-дзан зэв ылісянь.

Дерт, тэ аддзылін и тöдан льöм пуяс. Быдмöны найö видзьяс вылын чукөрөн-чукөрөн, абу джуджы-дöсь, но сы пыдди чукляöсь да уна вожаöсь. Татшöм льöм пуяс костті сьöкыд писькöдчыны. Аттьö вись-тав, гачтö либö дөрöмтö кö он косяв татшöм кустьясö пыралігөн.

А Лопи берег дорысь ми аддзылім быдса льöм пу роцца. Пуясыс быдмисны дзик жö сідзи, кызди ягын пожöмьяс. Кыз, веськыд ствольясыс кыпöдчö-маöсь вылö-вылö, и сöмын пу йывьясыс паськалö-маöсь уна вожьясөн, артмөдöмаöсь турунвиж шеб-рас. Льöм пу роццаас, кызди и пожöм ягын, нитш вылас немтор оз быдмы. Сöмын көнсюрö сьöд сэтөр-лөн öтка куст паныдасьлас. Льöм пуяс быдмисны ге-жöда, на костті позьö ветлыны, кызди пожöма яг вывті. Сöмын сынöдыс тані кутшöмкö аслыспölös дука, уль руа.


Ме нарoшнö эг висьтав чери кыйöм йылысь. Сійö абу нин сэтшöм выльтор. Ми кыйсим сöмын вугырөн, а вугыр шатиныд тиян быдöнлөн эм. Черитö, дерт, кыйим бура уна, но миян сиктсаясöс тайөн он шен-зьöд: Лопиысь пö некод на куш киөн абу волöма, мый сэні шензянаыс.

Гортын ошйысим аддзылöм дивöясөн: сола шор йылысь и льöм пу роцца йылысь висьтавлім. Вölöм-кö, сійö местасö, кытысь уна зверь кок туйсö аддзы-лім, сідзи и нимтöны Солаөн, а роццаса öти пуысь мукод воясö кык ведраөн вотлöмаöсь льöмсö.

Сы бõрын ме уналаõ воывлі, весиг мукõд стра-
наясõ веськавлі, но татшõм дивõяссõ некод эз вермы
петкõдлыны.

Уна мичыс чужан му вылын, уна шензьõдантор
позьõ адзыны рõднõй вõр-ваысь.





Отчид Сандыр Геля, Микол Паш, Гриш Миш да ме лэччим вуграсьны Вашка ю вылө. Лунтыр шлөпъялім ва дорті, веглясьсы нидзувъясөн ылөдлім бадь кор мыкъясөс, гөрд син дора кельчиясөс, уска даргаясөс да паськыд вома ёкышъясөс. Көть эськө мян юыс и зэв чериа, но мыйлакө тайё луннас некодлы эз шед. Челядь дөзмисны, няргөны:

— Мунам гортө, талун немтор оз сюр.

Сідзи и мунісны гортаныс, өтнамөс колисны. Вөчны немтор. «Часлы, мися, мөд ног вуграсьышта, оз-ө сир шед».

А сиртө сиктса челядь кужöны вöлі кыйны. Самаласны ыджыд вугырö кулөм мык либö кельчи, чөвтасны лөптөсь местаö да новлөдлöны өтарö-мөдарö, увлань-вывлань. Сирыд и ылалас. Сöмын эн зевайт.

Кöрталі вугыр шатинö колана снасть. Некымынысь чөвтлі пöрөм пуяс костö. Оз босьт. Көсийи нин мөд местаö вешыйны, но друг вугырöй кытчөкө сибдіс. «Мый нö вөчны?»— мөвпала.

Видзöда, а вугыр шöртöй увлань лэччö, весиг ша-

тинёй кусыньтчис. Чери! Мый вынысь заводиті кыкыны вывлань, но... кысь босьтан! Шатинёй сартас моз ратшмуні-чегис, өдва удиті кватитны помсö.

Бура дыр пыксис чериыс, но сылы быть ковмис кавшасьны берегö. Кытчö нö сэсся воштысян, эбöсыс быри да? Воис сирыд берегö, и ме быдөн повзи: порсь туша кузя лоö, бокъясыс дждож пöv пасьтаöсь. Öдва пельпом вылö лэптыны верми.

Сикт дорö воигөн паныдаси Гриш Мишкöд. Адзис менö да ылысянь на пондiс горзыны:

— Чери пыдди тай нö сюмöд кыскан?

Мишыд, дерт, эз тöд, кутшöм «сюмöд» куйлис менам пельпом вылын. Матöджык воис да вöлисти вомсö паськöдiс. Весиг мыктавны кутiс:

— Та... тайö... тайö нö мый?

Сэсся кыськö и мукöдъяс котöртiсны. Накöд тшöтш Сандыр Геля да Микол Паш кашкöны-локтöны. Сирсö юрсяньыс да бöжöдзыс малалöны, а асланыс синваыс доршасьö.

— Кытысь нö кыйин?— нурбыльтiс Геля.

— Вай ещö öтчыд малышта,— ластитчö Паш.

Со öд кутшöмöсь найö: öнтай пышйисны, а öнi забеднö лоöма. Мед эн пышйöй дай. Асьныд мыжаöсь. Вермис и тiянлы шедны.

Вои гортö, а мамö и шуö:

— Молодеч, пиук! Кило вит веситас чериыд, а, гашкö, и квайтöс.

Но ме мамлы эг эски. Öнi на чайта, мый сирыс веситiс пудйысь не этшаджык.





Кытшө воштысы зверь

Вашкаса вөръяс озырөсь зверь-пөткаөн. Мукөд дырйи тэрыб уръяс весиг сиктө пыравлөны, веськыда керка вевтъяс вывти котралөны. А лым усьөм бөрын кильчө вывсянь частө аддзывлан, кызди мөдлапөвса расө съод маच्याс моз пуксялөмаөсь таръяс да кокалөны кыз пуясысь гарсө.

Көдзыдъяс дырйи, кор вөрын сёяныс лоө этша, сикт дорө матыстчөны и мукөд зверьяс да лэбачьяс. Меным өтчюд удайтчис кыйны өти зверөс пищальтөг ни капкантөг. А со кызди тайө артмис.

Рытгорув гумляяс сайын яра кутисны увтны понъяс. «Кутшөм зверь нө сэтчө локтөма?»— мөвпышти ме да муні увтанинө. Вит-ө-квайт пон котра-

лісны понольяс улын, эргөмөн парсалісны гыжъяс-
наныс кырсыё. Понольяс улысь лымсё уна местаод
кодйёмаось муодзис, вочалёмаось розьяс.

Видзодлі гөгөрбок. Некутшөм зверь кок туй оз
тыдав. Тешкодь! Вөлі кө ур, сійө важөн нин эськө
пышйис джуджыдджык пу вылө, да и лым пытшкө
эз пыр.

Сюсджыка понді видзодны поноль увьяс костод.
Оти ичөтик коз пу вылысь, еджыд лым туктаяс пөвст-
ысь синьяс улө уси треугольник сямөн пукалысь
куим съод чут. Ме весиг шай-паймуні: «Тайө жө
сьодбөж!» Кык син да ныр. Лажынътчөма лап бердө,
да ньоти оз вөрзы. Со кытчө ковмөма кайны мувы-
лын котралысь зверыдлы лэчыд пиньяса поньясысь!

Босьті кузь бедь да крапкышти лыс лапьясө.
Сьодбөж чирөстис да шыбитчис увлань, тупыльтчис
лым пытшкө. Поньяс чардби моз вувзысисны усян-
инас, кутісны пурсьыны. Регыд лым бус пытшкысь
мыччысис Тузик нима пон да летөдіс вомас сьод-
бөжөс.

Ме мырдди кашкөмөн лолалысь Тузиклысь лым
комөк кодь еджыд зверөс да тапниті понлы
мышкас:

— Молодеч, Тузик!





Кутлін-ө тэ ывлаысь куш киён ловъя, верстыö лэ-
бачöс? Эн? А ме кутли. Со кызди тайö артмис.

Öти гождя луно муна вöли ю берегод, любуйтча
вөр-ванас. Кывза турунвиж чиркъяслысь трачкөд-
чөмсö, видзöда кокныд бобувьяслөн ворсöм вылö.
И друг, дзик пель дорын: «Жбрр!» Ыджыд нин эськö
арлыдöй, да немвиччысьтöмысла ёна повзи.

Видзöда, а менам юр весьтын кутшöмкö лэбач
жбыркакылö. Ачыс абу и ыджыд, колип кодь, а гö-
лöсыс сэтшöм ёсь да скөр, мый шензян: «Кытысь
сэтшöм ичöтиклы ыджыд гөлöсыс да повтöмлуныс?»

А лэбачыд нöшта на вельмис, сідзи и усьласьö юр
пыдöсöс кокыштны.

«Тыдалö, позсö ассьыс видзö»,— мөвпышти ме.
Сідзи и вөлöма. Неыджыд, пашкыр ныв пулөн увь-

яс костысь аддзи сёй ёкмыльясысь вёчём поз. Но тайё позйыс эз вёв мукодъяслон кодь. Вывсянь кё видзодлан, чайтан, кутшомкё лоп чукор. Вёлөмкё, позьяс пыранінсё вёчёма боксянныс. Пытшкөсас, вёв бож сиясысь да лэбач пухысь вёчём небыдик вольпась вылын, куйлісны руд чутьяса ичотик колькьяс.

Некымын лун мысти меным модысь слоймыліс мунны тайё местаодыс. Окота лои видзодлыны аслам «төдсалысь» поздысянінсё. Ньожйоникон матыстчи ныв пу дорё. Шы ни төв. «Тыдалё, мамыс эновтіс колькьяссё»,— мөвпышти ме, но сэк жё аддзи сылысь нырсё, коді чурвидзис позйысь.

Нюшта матыстчи. Лэбач эз вөрзбы. Сэки ме нюждоді киос да тупки позйысь петанінсё.


Менам ки пыдосьяс костын ичотик лэбач тіраліс став телонас, сёлөмыс тіпкис тэрыба-тэрыба. Сійо эз чипсы ни эз пессы, сомьын шырлөн кодь югьялысь сингьясыс видзөдісны обидитысь детинка вылө.

Паськоді ки пыдосьясөс. Лэбач жбыркнитіс да пуксис орчөн сулалысь бадь вылө, нырнас лосьөдіс морөс вывсьыс дзугсьөм гонсө.

Ме өдйөджык муні тайё местасыс. Ылісянь нин адзылі, кыдзи лэбач тювкнитіс-пырис аслас позйө. Сідзкө, оз эновт колькьяссё.

Тайё лэбачыс быдтіс пьянсө. Оні, конкө, найө асьныс быдтөны лэбачьясөс.





Аддзывлін-ө тайö нейджыд, руд рöма сера пöt-касö? Кötь сийö абу и ыджыд, но донъявсьö зэв вылö. Сьöлалөн яйыс еджыдысь-еджыд, рысь кодь. Миян вөръясын олысь некутшöм лэбачлөн абу татшöм чöс-кыд яйыс.

А кыйны сьöлаос абу кокныд. Кötь сьлөн вын ни тэрыблун абу, но сы пыдди вөр-ваыс сетöма кужöмлун дзебсьыны. Сийö вермö ылöдлыны весиг вöралысьöс. Пуксяс коз пу лапьяс костö да быттьökö вошö. Дзебсьынысö отсалö лэбачлөн рöмыс — сийö öткодь пу кырськөд да увьяс вылын öшалысь ройкөд.

Вөралысь зэв гусьон матыстчас сьола дінө, а чальяс костысь нинөм оз аддзы. Мукөд дырйи мортыд оз эскы да весиг некымынысь кытшовтлас пусө. А сюсь сьолаыд тайө каднас важөн нин кокасьө мөд местаын.

Кызди нө бөбйөдлө сьолаыд? Зэв прөстө. Лысьяс костөд, пу мөдарөдыс тювкнитас увлань, а сэсся дзик му бердтыс и пышьяс-лэбзяс. Сьолаыд бура кужө дзебсясьны и лым улын.

Төв шөрын дозмөръяс, таръяс да сьолаяс лэбалөны зэв гежөда. Налөн оланногыс гортса курөгьяс кодь жө — рөмдыны кутас да, пыр и водасны узыны. Төвся луньясыд дженьыдөсь. Со мый вөсна сьолаяс «нурьясьоны» тайө кадас сөмын лунсьөмөснас.

Отчыд татшөм пөранас ветлі матыса вөрө. Öти неыджыд кушинса лым вылысь аддзи уна розьяс, быттьө кодкө изьяс шыблалөма. Ме төді, мый татшөм розьяссө вөчөны вөрса пөткаяс узыны водигөн. Қор асывнас найө энөвтөны войся патеранысө, пыранінсянь матын пискөдөны мөд розь. Волан кө сэки татшөм местаас — казялан, мый розьясыс куйлөны параөн-параөн.

А тані розьясыс вөліны өткөн-өткөн. Сідзкө, лэбачьяс куйлөны лым пытшын? Кызкө оз эскыссьы. Öд узысь пөткаяс зэв видзчысьысьсөсь, матө оз сиböдны весиг шытөг ветлысь ручөс.

Менө дивө босьтіс. Матыстчи öти розь дорө да зурги лыжи бедьнам. И друг: «Жбыр!» «Жбыррр!» Быттьө кодьяскө зырйөн пондісны коявны лымсө, а быд койыштигөн кыпөдчыліс сьола. Со öд кутшөм повтөмөсь.

Мунышти водзө да ляпкыдик мыльк вылысь аддзи өщө öти розь. «Жбыр!» Дзик лыжи ныр улысь бара лэбзис сьола.

Гортын висьталі Митрей дядьлы повтём сьöлаяс
йылысь. Пöрысь кыйсьысь эз ёна шензы менам
висьт вылö, сöмын шуис:

— Вöрын, мойдын моз, не татшöм на дивöяс ов-
лöны. Колö сöмын кужны видзöдны да аддзыны, ра-
дейтны войвывса мича вөр-васö.





Сотгысь гыма

Ваня төвбыд дөзмөдiс дедсө. Садьмас асыв-водзын, булки кодь небыд кияснас тiльыштас унзиль синъяссө да пыр и пондас дольны: «Дедө, дед! Вай талун ветлам нин чери кыйны». Ванялөн дедыс пö-рысь, тошсялöма, ар сизимдас, гашкө, лоö. Лун-лун паччөр вылын лы-сьöмсö пöжö. Ванялөн дзайгöм вылө сийö первой ружтыштас, кызыштас да сэсся вö-листи нин вочавидзас:

— Мöдысь, пиук, мöдысь. Талун бара коскам ко-чөг бытшкө, войбыд кокöй юкалис и... Кысь нö та-тшöм лёк поводьянас муна?

Сидзи колис тöлыс. Ваня ёна и шензис. Дедыс

арнас на вöйтавліс Көнэй тыö гымгаяс, а ньöтчыдысь эз кыйлы. Кыдзи нö эськö терпитнысö вермö? Од тыыс дзик сикт дорын и эм, гумлаяс сайö дзэбсьöма. Мөдöдчан кö, он и тöдлы — воан.

Оти асылö кодкö кыскыштіс детинка вылысь шебрассö. Ваня чукуыльтчис кöлач моз, нöшта нà кöсйис узбыштны, но кыліс Петыр дедыслысь шмонитана гөлөссö:

— Ноко, чери кыйысь, пальöдчы! Чериясыд гымгаяс пытшкын пикö воöмаöсь, мездыны корöны.

Детинкаöс быттö тойыштісны бокас. Чеччыштіс пружина моз, шурк-шарк дөрöм-гачасис да öдйöджык паччөрö, гын сапöгъясла. Дедыс эз на удит чигарка пестыны, а Ваня пасьтасис и кöмасис.

— Но и молодец!— ошкыштіс сійöс дед.

...Со и Көнэй ты. Лымйыс дзэбöма ас улас не сöмын тысö, но и берег дорын быдмысь бадьяссö. Сы вöсна местаыс кажитчис тöдтöмөн.

Тылөн еджыд эрд вылысь детинка аддзис ку-тшöмкö кок туйяс.

— Дедö, дед? Тани зверь мунöма, да?— юалис Ваня.

— Тöдін, пиук, тöдін,— вочавидзис дед.— Тани кöч триньксöдöма-котöртöма.

Сэсся Петыр дед пыридз пунас вöчис кок туй гөгөр кытш.

— Мый артмис?

— Ой, ой, мортлөн чужöм артмис!— шензис Ваня.— Видзöдлы, видзöдлы, кык син, ныр да вом.

Кытш вöчöм бöрын кöчлөн кок туйыс и збыльысь лои морт чужöм кодь.

Петыр дед сöмын мудера шпыньяліс да малыштіс коз пу кырсь вылын öшалысь рой кодь тошсö.

— Öні он вунöд кöч кок туйтö?

— Ог, дерт...

Неылысь деда-внука аддзисны мөд зверьлысь кок туй. Петыр дед лажынтьчыліс, коставломөн немынысь личкыштіс лымсө өттшөтш водз да шөр чуньяснас. Ваня бара чуймис: дед чуньясөн вөчөм ляпкыдик гуранъяс вөліны нейджыд зверлөн кок туйяскөд дзик өткодьөсь.

— Съөдбөж тадзи ворсө-котралө,— төдмөдіс дед.

Ваня сөмын шензис. Кор, бура дыр мырсьом бөрын, дедыс лэптіс ваысь медводдза гымга, детинка весиг эз чеччалышт места вылас нимкодьясла. Нидзув моз веглясьысь налим да виж синъяса сиръяс шедөмаось? Но и мед. Вот эськө көчсө да съөдбөжсө кө аддзывны ловйөн. Сэки, дерт, позис и ошйысьыштни челядь водзын. А өні мый?

Татшөм думъясөн и дзоргис лымйын туплясьысь черияс вылө Ваня. Медбөръя йөрдан пискөдігөн сійө видзөдліс бөрвыв да төкөтбө эз пуксы лым вылас:

— Дедө, дедө, гымгаясыд сотчөны!..

Петыр дед чөвтіс синъяссө берег пөлөн турун юръяс моз сулалысь гымгаяс вылө. Збыльысь, съөдалысь гымгаясысь тувсовъя кельылдөз енэжө кыпөдчисны кизьөриник тшын сюръяяс. Сөмын биыс оз тыдав.

Но Петыр дед эз тэрмась мездыны ассьыс эмбурсө. Гаровтіс налим бөж кызта чигарка да вөлисти бурөдіс Ваняөс:

— Нинөм, пиук. Эн пов. Найө оз сотчыны... Ноко, лолышт пыдысяньджык.

Детинка вом тырнас апыштіс көдзыд, сөдз сынөдсө да пушкигтыр лэдзис бөр.

— Но, мый петіс вомсьыд?

— Ру.

— Вот и гымгаясыд руалёны-лолалёны. Помнит, Ваня, коть кутшом морозъяс оз трачкөдчыны му веркөсын, кыз йи улад ваыс ывлавыв дорсьыд шоныдджык. А кор кыпөдан гымгаяссө сынөдө, шоныдыс сэтысь пондас петны ортсө, көдзавны. Артмө ру.

Чери кыянінысь воом бөрын Ваня пыр`жө кайис паччөрө да чорыда унмовсис. Детинка водзын войбыд йөктисны көчъяс да ворсисны сьөдбөжъяс. Көнэй ты вылын руалисны-сотчисны дедыслөн гымгаясыс. Но тайө, дерт, вөлі нин вөт.



СОДЕРЖАНИЕ

Клад	3
Дона из	6
Вышка	9
Лопиын	13
Сир	19
Кытчö воштысис зверь	21
Повтöм лэбач	23
Сьöла	25
Сотчысь гымга	28

Леонид Палкин

ЦЕННЫЙ КАМЕНЬ

Рассказы на коми языке

Оформление М. Безносова


Редактор *В. Попов*

Техн. редактор *И. Цивунин*

Сдано в набор 18/VIII-64 г. Подписано к печати 23/IX-64 г. Формат 60×84¹/₁₆ 1,0 бум. л.
2,0 печ. лист. (Уч-изд. л. 1,106). Тираж 2000. Заказ № 3759 Ц01578. Цена 3 коп.

Коми книжное издательство. Дом печати

г. Сыктывкар, Республиканская типография Управления печати



3 кбп.



КОМИ КНИЖНОЙ ИЗДАТЕЛЬСТВО · 1964